

師荔扉詩集

卷廿三至
廿六

師荔扉先生詩集卷二十三雲南叢書集部之二十三

滇西師 範荔扉

舟中詠史詩

前詠史四十首

三尺三章業已成猶從馬上說功名
匆匆鹿自秦宮出赫赫騅空楚塞橫
愛子終隨蛇後殄若翁幾向狗前烹
赤松遊豈張良意溺到儒冠太不情

漢祖

南北輿圖指顧收鍾山雲氣晚悠悠
真人自古皆天授築室何期與道謀

謂道術

論相終思誠意伯藏弓誰惜穎

川侯剩傳衣鉢孫皇帝一衲飄零四十秋

明祖

環山抱水晉陽宮弱冠規模已不同來著褐裘驚座客

行持馬箠折羣雄家能化國原由汝弟可誅兄或未公

開創古今無此局怪他高祖太朦朧

唐太宗

降聖香傳夾馬營黑光黯淡赤光明一朝謨誥循忠厚

十國山河震甲兵識啟木囊都檢點記留金匱老書生

錢王歸去貽黃祚合讓臨安作帝京

宋藝祖

金蓮川接幹離河八部秋閒放駱駝江濟革囊蠻水闊

帳移霜磧曉雲多尋源幾欲窮天漢掠地真疑到燄摩

特建西臺醫兩手稱將一統繼蒙哥

元世祖

繼統中興等少康騎牛身出貴人鄉軍逢大敵方知勇

吏在親民不厭詳金穴塵封秋草白雲臺雨洗戰圖荒

缺脛銅馬爭呼帝轉覺蕭王勝漢皇

漢世祖

不求聞達草廬中梁父吟成日正紅出處遂操天下局

眞純如見古人風生非三代難爲相業竟偏安莫怨公

秉鉞荷鋤俱偶爾孔顏心法一身通

諸葛武侯

身係安危二十年也爲宰相也神仙歸朝遠塞中涓口

免胄親消雜虜烟手執臨淮非市美頤麾宿將豈憑權

阿翁幾被奴才誤難得功名死後全

郭忠武王

碑傳黨籍混妍媸想見趨朝秉政時法未持平終致變

史操公論豈存私修身事可逢人告憂國心惟折簡知

會入耆英園獨樂聲名早已動諸夷

司馬文正公

陽明洞近古龍場袖裏常陳一瓣香絕學何人堪繼響

奇功當日幾中傷門餘麾鉞無兵氣座列師儒有報章

集中多與門人書甘以異同爲水火返身誰肯共商量

王文成公

痛飲黃龍志已休金牌滾滾義難留諸陵可埽迷青草

二聖如還恐白頭忠孝一生標素節烝嘗千古肅清修

官家自愛西湖好誰念春秋重復仇

岳忠武王

壞屋思將一手撐嘔心徒自費經營行仁義事求其是

讀聖賢書氣已平日落重洋悲井澳鵲啼老木弔空坑

北枝不共南枝放始信張文各弟兄

文信國公

處人兄弟復何言一鶴難當眾鳥諠能國只圖安社稷
爲君乃至棄黎元易儲已覺心生蝨遣使寧無耳屬垣
封到奪門公合死徒聞借口自鳴冤

于忠肅公

寧武關前夜集烏髑體含血拜星呼虎臣毒逐膚全裂
蟻賊環攻氣正麤披髮遂先明帝死招魂合使一家俱
東來共道邀天幸駭目猶疑鏤馬趨

周將軍

羽獵長楊體製新家徒四壁未爲貧凌雲氣已驚天子
綠綺聲能動美人知遇千秋誰得似風流絕世尙如真
所忠來爲求遺草又博文君數日聲

司馬長卿

巍巍家本住龍門世守天官業自尊一代君臣光日月

十年刪述謹朝昏書經蠶室原多憤紀到輪臺亦感恩
從此遂爲文字祖班香宋艷不須論

司馬子長

邯鄲生肯訝天人底事陽林賦洛神朋友誼同夫婦重
君臣義較弟兄真心傷漢室甘謀醉禍慘蕭牆斬乞身
死向東阿留片碣子桓遺墓草如茵

曹陳思王

步兵厨已化蒼烟覓醉東鄰就婦眠豎子名空悲廣武
一杯眼只向青天道南才自超諸阮林下風宜首七賢
記否蘇門山畔路嘯聲先沮大人前

阮步兵

知章呼爾謫仙人醉踏長安市上春妃子由來妬花月
將軍從此脫風塵郎官湖畔杯憑把天姥峯前夢獨親

劍術不傳詩已散撞機誰惜弩千鈞

李翰林

許身稷契走蒼黃花落成都舊草堂三賦七歌名不朽

洞庭衡岳跡全荒挺之有子能相納次律無家亦可傷

肯就性情求格韻此生端合老門牆

杜工部

八代文真仗起衰浮雲消盡鳳皇來道凝孔孟永生水

詩錄盧劉火付灰祭鯉誠堪孚異類說麟心在啟英才

養生何至餐金石大手無年實可哀

韓文公

年少無心附叔文索居時見淚紛紛牛醫隴亦堪流盼

瘴域人原未可羣橘柚黃垂霜後月桄榔青入雨前雲

驅毫已足傳山水遷謫由來不負君

柳州

尙有亭名表醉翁環滁山水百花中遷除似覺非無爲
進退何妨偶不同思穎詩成伊並潔憎蠅賦好蠶難工
手開文運釐文體甘使曾王拜下風

歐陽文忠公

西蜀川原奧莫窺公生始覺稱峨眉文章事業都難繼
風月江山更屬誰身在人間無屋住魂歸天上有星垂
華嚴界裏才如海除却奸邪百可爲

蘇文忠公

不比投壺郭舍人夏侯論已得其真歸逢社日調中饋
隱向金門作外臣粟奉侏儒難共飽用餘文史莫憂貧
武皇猜忌兼英察執戟能容八尺身

東方生

曾向嚴陵拜古祠江山無恙草離離羊裘世共知男子

片石身容老釣師纔有故人同卧起遂教御坐減威儀

懷仁補義如相助未必弇恂盡出奇

嚴先生

千頃陂今不易逢人倫鑒共說林宗碑能無愧臨文手

車可齊攀在漢松甑到破餘知孟敏雨因避處得茅容

一朝清望三君上未礙牛醫子是從

郭林宗

漉酒何嫌就葛巾桃花源本在風塵日無晉魏之間事

身是羲皇以上人舉世更誰憐磊落惟公方不愧清真

遠從千古開詩派三笑圖留一笑因

陶淵明

八節灘高花滿岑恩牛怨李各無心空餘夢與微之合

時有僧從白社尋名士詩篇傳樂府才人聲價重鷄林

蠻腰素口常相對值得先生一醉吟

白文公

秋到重虹色漸南鶴林寺有舊伽藍船堆書畫風俱韻
露滴蕉桐石亦甘知到坡翁猶未盡人呼米老究何慚

潔同和靖顛同旭曠代高名海嶽菴

米元章

虎子須從虎穴求飛而食肉遠封侯身懸絕域心逾壯
士到傭書筆可投司馬功成三十六玉門關隔夏商周

暮年詔許歸骸骨花滿秦州土一邱

班仲升

不棄涼州算已深器經盤錯別浮沉鋤奸跡向衣邊得
懾敵謀從竈下尋軍可示強無定法人皆作弔果何心

武都守與朝歌長兩地聲名直到今

虞升卿

十年觀變走跋跋才見髭龍氣便馴張一娘曾呼是妹
李三原已得其真勢難爲帝甘圖霸國果能君恥作臣
火發東南看瀝酒片帆誰問海山春

虬髯客

江左無由得此賢雄談捫蝨氣翩翩氏王已遇如生翼
元子何能與並肩生可治秦因得地死難忘晉恐違天
致身管葛真無忝誰肯相憐賣畚年

王景畧

師是彌天釋道安姓名真似逆風檀諷經心等朝陽麗
趺坐身忘瀑水寒來值廬山初運木老逢陶令正辭官
何知康樂心多雜不與宗雷一例看

慧遠師

莫教丹詔引開心遺蛻空從峽口尋象數學留天地秘

興亡感入宋唐深春雲影護藤蘿徑秋月光搖薜荔岑

我亦當年錢若水爐灰手畫費沉吟

陳希夷先生

千古閨中獨此姬遭逢更比父兄奇護喪死尙邀朝典
聞政生原作女師誠列七篇無冗字書成八表有妍詞
西來晉述東征賦不少山川繫夢思

曹大家

撲朔迷離各不同軍中誰與辨雌雄生男未必能當戶
有女何妨使卽戎霜壓鐵衣山共黑夢回金柝日初紅
戰袍脫去仍雲髻閒却隨身玉靶弓

花木蘭

桃花馬上杏花簪抵掌風生半日談送帚方知軍有令
割裙纔信妾非男雲埋石柱心猶熱江走虵門戰易酣

縹渺四川營畔路詞人曾與記芝龕

秦良玉

才到能奇始見情回文詩忒弄聰明移天手向璿機得
療妬方隨錦字呈壻是佳人聊復爾身原尤物許誰卿
何緣消此閨中福白首相依過一生

蘇若蘭

續詠史二十首

楚雖三戶必亡秦膽力居然敵萬人百戰風雲生咤叱
八千子弟委荆榛歌虞氣盡悲難止衣錦心勞夜不晨
忘殺沛公非大度英雄作事本來真

項羽

天開亂世挺姦雄狡兔謀成漢窟空未必初心真及此
可憐踵禍總緣公智營孟起黃河箭魂墜周郎赤壁風

銅雀臺荒春草綠分香賣履恨無窮

曹操

得原忽忽失匆匆創業誰憐局不終影已全無身合舍

經雖可講義難窮秀才也竟爲天子覽賊何由忌老公

四十八年成一劫臺城烟柳自春風

梁武帝

朱耶家世本沙陀亞子威猶震兩河三矢功成親告廟

一夫難發斷聞歌張承業去心難死李嗣源來髮已皤

回首優場批頰日九原羞對敬新磨

唐莊宗

德勝門開矢不交背城誰爲整弓弣龍歸大漠無常水

鶴化遼東少定巢河到屢清愁運盡星經百變覺民消

洋洋十六天魔舞演撲兒成劇忍拋

元順帝

致身錄在豈全誣一炬何能畢此孤江表淚拋風鶴路

天涯雲護袞龍圖成王已被周公逐叔父空將孺子呼

太息齊黃數君子與人家國總糊塗

明建文帝

陌上花開緩緩歸千年城郭有光輝江山在手潮迴弩

富貴還鄉樹着衣觀變一方能守土稱藩三姓似知幾

身操唐券迎梁詔尙父心終昧是非

錢武肅王

東風昨夜小樓開夢斷鍾山不復回鼾睡豈容依卧榻

量江誰信失奇材宗唐統較朱三正入宋身隨孟一來

各有李郎冥福在金經寫罷互相猜

李後主

仗劍親登大將壇三川旗鼓走欣邯身于楚漢關成敗

才較張蕭各易難詎有解推恩肯負也知弓狗事全完

蒼黃竟落娥姁手悔向淮陰擲釣竿

淮陰侯

公亦千秋爨尾琴張絃不肯負知音哭屍何礙真名士

修史難酬素目心生以攻書留石碣死猶蒙謗在詞林

無兒有女真堪痛孟德徒勞費贖金

蔡伯喈

喜得歐文爲寫真公亡誰更是梁臣主雖似桀敢停吠

死可留名纔算人千里山川憑笏畫一朝將相等屍陳

橫槍更愛周陽五宣力河東共致身

王鏐槍

清水潭邊尙有祠堂堂養母授徒時一家生氣冰霜烈

百戰孤城血肉支從古忠臣多孝子由來節士本經師